

Sakspapir

Saksbehandler	Arkiv	ArkivsakID
Tone Selmer Skuggevik	FA-M09	20/96

Saksnr	Utvalg	Type	Dato
035/2021	Formannskapet	PS	23.11.2021

Kommunedelplan for vassforsyning, avlaup og vassmiljø - Modalen kommune

Forslag til vedtak:

1. Modalen kommune vedtek at planutkast for kommunedelplan for vassforsyning, avlaup og vassmiljø vert lagt ut på høyring og offentleg ettersyn jamfør plan – og bygningslova § 5-2.
2. Frist for merknadar og innspel vert sett til 6 veker frå kunngjeringsdato.

Saksopplysningar:

Gjeldande VA – planer for Modalen kommune er frå 1997 og er såleis av eldre dato. Det er behov for å revidere målsetjingar, oppdatere status for VA – systemet og planleggje naudsynete tiltak.

Det er utarbeid ein felles kommunedelplan for sektorane vatn og avlaup.

Oppstart av planarbeidet vart vedteke av formannskapet hausten 2020. Det er nedsett ei kommunal prosjektgruppe som har leia arbeidet med kommunedelplanen. Norconsult AS er rådgjevar for planarbeidet og har delteke i prosjektgruppa, som består av følgjande medlemmer:

Tone Selmer Skuggevik, teknisk sjef
Kjell Langeland, konsulent teknisk etat
Njål Bolstad Eidsnes, ingeniør teknisk etat
Johan M. Hansen, oppdragsleiar Norconsult
Ingrid Vatne rådgjevar Norconsult

Bakgrunn

Hausten 2020 var det utarbeidd eit planprogram for planarbeidet. Melding om oppstart av planprosessen vart sendt til offentlege mynde og lag, samt kunngjort på kommunen sine heimesider.

I tråd med plan- og bygningslova vart planprogrammet lagt ut til offentleg ettersyn av formannskapet 29.oktober 2020, med høyringsfrist 09.12.2020. Planprogrammet vart vedteke i kommunestyret 18.02.2021.

Vurdering

Kommunedelplanen er delt inn i fire deler(Del A – D). Del A er felles for vassforsyning og avlaup, og tar for seg bakgrunn og rammer for planarbeidet, mellom anna lovgrunnlag og sentrale forskrifter,tilhøvet til andre planar, og korleis arbeidet med vassforsyning og avlaup er organisert i kommunen.

Del B tar for seg vassforsyninga i kommunen. Der vert det gitt skildring av eksisterande anlegg samt naudsynte tiltak for vidare utbygging og forbetring. Tilsvarande handlar del C om avlaup. Del D visar ei oversikt over prioritering og kostnadskalkyle for tiltaka.

Føremålet med planen er å sikra at alle i Modalen kommune til ein kvar tid skal ha tilgang nok og godt drikkevatt. Transport og reinsing av avlaupsvatn skal vere i samsvar med regelverk og NS – standard.

Som ein del av planarbeidet er det gjennomført risiko – og sårbarheitsanalyse (ROS) for vassforsyninga. ROS – analysen har identifisert fleire hendingar med uakseptabel risiko med omsyn til samfunnstryggleik.

Jamfør innspel frå Statsforvaltaren er det også gjennomført Miljørisikoanalyse for avlaup i planprosessen. Analysen identifiserer og understrek behovet for å få innmålt og dokumentert eksisterande anlegg.

Det er viktig å investera i vassforsyning avlaupshandtering i Modalen dei kommande åra. I fyrste omgang er det viktig å få oversikt over leidningsnett og anlegg gjennom innmåling og etablering av digital leidningsdatabase. I tillegg vert det viktig å sikre tilstrekkeleg sikkerheit og kapasitet i vassforsyninga og å sikre tilstrekkeleg reinsing av avlaupsvatnet. Eksisterande kommunalt utsleppsløyve skal fornyast basert tilhøve i respientane.

Tiltaka i planperioden gir utslag i store økonomiske investeringar. Totalt er det planlagt tiltak for om lag 27 mill. kroner i perioden 2022 – 2032. I Modalen kommune vert vassforsyning og avlaupshandtering subsidiert. Det er få abonnentar og dele kostnadane på, og ved full sjølvkost ville gebyrnivået i planperioden vore svært høgt.

Fastsetjing av gebyr og kor stor andel som skal subsidierast må vurderast ved fastsetjing av budsjett 2022. I planen er det vist korleis VA – gebyret ville vore ved full sjølvkost i planperioden.

Tiltaka i planperioden er overordna tiltak basert på dagens informasjon om anlegga. Vidare undersøkingar kan endre omfang og korleis problemstillingane vert løyste.

Konklusjon

Rådmannen vil tilrå at formannskapet vedtek at utkast til kommunedelplan for vassforsyning, avlaup og vassmiljø vert lagt ut på høyring og offentleg ettersyn jamfør plan – og bygningslova §5-2. Frist for merknadar og innspel vert sett til 6 veker frå kunngjeringsdato.

Formannskapet - 035/2021

FOR - behandling:

Ordfører og rådmann orienterte om saka
Samrøystes vedteke

FOR - vedtak:

1. Modalen kommune vedtek at planutkast for kommunedelplan for vassforsyning, avlaup og vassmiljø vert lagt ut på høyring og offentleg ettersyn jamfør plan – og bygningslova § 5-2.
2. Frist for merknadar og innspel vert sett til 6 veker frå kunngjeringsdato.

Vedlegg:

2021-11-15 Planutkast_KDP_VA E02

2021-11-15 Planutkast_KDP_VA E02 VEDLEGG 1